

台州府志

長霖



台州府志卷一百十五

人物傳十六 孝友二

國朝

洪日慶 父夢歧

王辰 弟一暉

張鳳翀

柯澄 父秋卿

王禧 弟泰

管迪 子映奎

蘇大素

翟宗璜 五世孫翹飛

包璜 弟琪

金孝子

郭世臣

鄭朝壽 弟君恭

張世堅 施伯申

王廣文

楊蓋臣

許君靖

朱濂 父錫聰
張相維

尤大虬 尤大文
馬天駟

馮尙德

孔貞銘

趙光彩

盧啓阜

彭之蟠

王祢 王鼎宏

池逢

趙正期 趙天植

林映奎 馬天浴

阮貞吉

徐漢

王士蛟 弟士蟠

章之芳

葉世梧

儲天仁 弟天明
柴登榜等
族昆弟天爵

徐光胤

齊化龍 孫道南
孫張南 從

曾孫式唐
式唐曾
許二佛

金玉輝 子鼎氣

許善繼

夏安邦

孫 織

子肇瑄
潘厚齋等

章居多

吳世衍
鄭竺庵

邵良仁
葉雲臺

陳文哲

牟亦珪

韓紹琦

盧 鉉

解天球

子上選

蔡啓宗

弟顯宗

施爾昭

程秉茂

陳 焜

許傳炯

金朝瑛

王世芳

陳馨洲

柳培元
方既平

盧令卿

李 彬

子恂

陳景詔

族父文宣

丁定國

袁元魁

王作梅

弟作枉

趙德池

陳懋紹

陳安春

胡世椿

葉 謙

謝秉珪

鄭 惠

張 月

張昌宗

范鵬飛

石遠樂

潘乾隆
徐三芹

章希淵

胡應梁

華樸
馮載照

陳岳芝
葛全懷等

陳準魁

從子岡陵

張宇琨

曹明海
楊全士

管廷梁

子慶耀

牟汝舟

宋少海

范宏瀚

范 峯

朱小三
球

胡周封

陳兆旗

李 珂

從子功高

毛人懷

姜丹書

弟玉書

張錫蘭

施家麟
劉新

盧全梁

葉福彪

楊君陳

盛霈明

邱榮增

管慶潛

王維哲

童汝梅

子子忠

孫翔穆

盛亦緯

徐皋鵬

任積岡

葉益盛

繆呂根

金 闌

國朝

洪日慶字初明號監茲臨海人父夢岐字養冲明諸生性至孝早孤撫弟三人均成立入黌序待諸姪如己子家饒裕慷慨好施或假貸不能償言及鬻妻子輒焚券天啓間歲連禮傾橐振貸家因驟貧日慶幼喪母事父與繼母孝與異母弟天慶友愛妻亡殯郊外爲盜所發當道收捕百餘人窮訊之其父語之曰以伉儷故累及多人倘有屈其何以安日慶卽詣縣述父意求釋咸歎息謂父眞仁人子眞孝子也侍父疾衣不解帶親滌廁楡旣卒哀毀骨立廬墓三年卒年八十七從祀鄉賢祠子若皋

康熙縣志

自有傳

王辰字丹六黃巖人弼六世孫諸生事親善承意母病跬步不離及卒哀毀骨立中歲兼讀岐黃書凡有求診雖委巷單赤亦必趨視弟一崑亦以孝稱與兄友愛析產不問肥瘠嘗取祖訓暮讀朝耕田之句題其齋曰暮讀軒

乾隆縣志

張鳳翀字漢陟黃巖人守貧苦學事後母以善養稱父執吳嵩峯無子三喪未厝鳳翀爲葬於

父墓之東歲時具奠

乾隆縣志

直指王元曦旌之

康熙縣志

子一驄字襄午諸生著有西爽閣集藏山小

品

乾隆縣志

柯澄字廣生黃巖人

康熙縣志

時遇孫父秋卿諸生力敦孝友以實行課子

乾隆縣志

澄六歲失恃

康熙縣志

哀毀如成人

乾隆縣志

事繼母章以孝聞補諸生敦行博文

康熙縣志

縣令張思齊徵修縣志

乾隆縣志

著有

南窗稿

康熙縣志

王禧字以成號介五黃巖人幼讀書知大義塾師講大學正修禧請曰此爲大人之學小子可

不聞乎師奇之順治十四年閩寇犯縣掠居民金帛父際飛被執禧奔赴賊舟請以身代賊不

聽因給之曰吾父老且死汝安從得金不如以我爲質父必來贖賊意未決禧大哭賊脅以刃

延頸不顧哭愈甚父乃得釋陷賊九月乘間脫居晚以小學課二孫曰此人禽關也弟泰字以

戎諸生性行如其兄

光緒縣志引姜志稿

管迪字吉生號格非黃巖人諸生

乾隆縣志

父景煦早卒母解方娠矢志守貞及生迪七歲能事母

以孝稱年十三知父葬所在離家十許里外日往省視夜則趨歸侍母一日途晦遇虎迪惶怖

仆地虎搖尾而去順治十四年海寇犯縣治城破掠居民甚夥迪負母避遇賊身冒白刃跪泣

曰寧殺我母傷我母賊傷其右臂而去得免母歿哀毀骨立既葬廬墓終身

浙江通志引公舉事實

迪勇

於義舉親族藉以全活者甚衆卒年八十九乾隆二年題旌建坊祀忠孝祠

乾隆縣志

第五子映奎

字亨簪號信齋附貢生五歲卽諳定省禮長而益篤親疾不離左右不食不寢平日行不出二

十里遠行三日不歸則眠食俱廢親歿哀慟毀瘠廬墓六年早夜號哭血淚所漬草木皆枯父

墓在唐奧山素多虎至是有黑虎蹲墓前作拜舞狀而去遂絕迹居人呼所居爲孝子廬喪畢

晨夕必衣冠詣家廟焚香以日所行事告如生時雍正八年六月颶風驟雨震鄉城映奎往告

廟未至而風雨息平居急公義力行恐後未嘗有德色乾隆十三年題旌建坊入忠孝祠妻吳

亦以孝稱子紹輿諸生己丑分修縣志紹合太學生濟川

乾隆縣志

歲貢生

同治縣志選舉

咸以孝友稱

乾隆

志

蘇大素字鳴窗臨海人與弟大勤漁海上順治間閩寇至執大勤將殺之大素趨呼曰弟有家

累我隻身願代大勤曰我有子矣第殺我賊竟殺大素後舟人至其地每於巨浪中見其神因

建祠稱蘇公廟

奏錫淳臨海志稿

翟宗璜字一經臨海人

臨海秦志稿

順治末知府郭曰璩以催糧杖斃諸生趙齊芳諸生水有瀾等

糾衆具退呈宗璜父介繁與焉同遣戍尙陽堡

述台州

宗璜稍長向母啼索父母謬語以他往後

從鄰嫗問知其事遂陳情有司終身代父戍不許於是跪白母請往省時宗璜年僅十四母爲

門戶計卽爲議婚將以明年娶俟得孫則聽其所之宗璜不肯母密防之宗璜佯爲順母狀防

漸疎一日懷金數十獨往及關關吏不聽出旁有關壯繆祠宗璜於神前慟而絕仿佛見神人

導之往及驚寤則已出關矣抵戍所父適病幾危見宗璜霍然起居數月強遣歸娶已而妻有

奸復往省父居三年父卒負遺骸歸

黃河清撰傳

厝於東郊外後遭兵變又潛身兵中取骨瘞別地

尋爲縣諸生人呼翟孝子云

秦志稿

五世孫翹字煥有別字蓼生廩膳生

葛詠裳撰傳

父戍塞外翹徒

步數千里負骨歸人目爲翟小孝子翹弟飛字煥新亦廩生七歲時嘗刲臂療母疾人稱翟氏

世有孝子

兩浙輟軒續錄

包璜字淡士臨海人順治十五年中鄉試副榜性至孝

康熙縣志

父炳南與宗璜父同被累遣戍

台州

璜叩閭辨冤被杖幾斃

縣志

璜弟珙字遠士侍父戍遼陽泊南還又往挈父妾骸骨

台州志

康熙

八年選教習授知縣未任卒

縣志

金孝子佚其名太平人親歿寢苦枕由不出素幃者三年比葬躬負土爲墳知縣張國棟表其

閻

康熙
縣志

郭世臣字諧虞太平人振民子諸生幼時父暨嫡母俱亡事所生母至孝寢膳以至洗滌靡有怠娶妻王生子未周歲而妻卒遂不再娶母爲代撫世臣授徒以供甘旨與諸弟子講論遇古忠孝事輒歔歔惟恐躬之不逮子連城亦諸生

康熙
縣志

鄭朝壽太平人五歲父亡稍長念母撫育勞力作供膳年十五母卒合葬父墓廬其旁六載有虎入其廬竟不傷而去士大夫咸賦詩以贈

康熙
縣志

張世堅太平人壽鵬之後母疾世堅年尙幼涕泣籲天封左臂和藥以進母遂愈巡道以下俱旌之同時施伯申亦太平人八歲母病家貧無藥餌刲股進母病獲愈縣令劉旌之曰童年知

孝

康熙
縣志

王廣文黃巖人康熙十三年閩寇陷黃巖次年克復廣文母夏與二弟被俘至杭州南新橋廣文年十七乞食尋至求贖主者索高價廣文家故貧難後子然計無所出乃以利錐穿其喉貫鐵索而鎖之鉛街募化血淋淋滿頭項間見者憐之競醵金以解其鎖主者索價無厭三解而三穿之舊痕再合而再傷痛哭顛連至不能進飲食一日諸司道遇於途廉問歎息捐六十金

持至營尙缺三金仍執不肯釋廣文哭而仆鄰營感其義解橐補給之乃得扶母攜二弟以歸
僉事洪若皋爲作王孝子傳

南文沙集

楊蓋臣字誠夫黃巖人年十二侍祖母疾以孝聞耿逆之變曾養性攻黃巖城未下蓋臣父康
侯與永嘉謝某友善謝說養性使持己書招康侯降康侯得書示蓋臣蓋臣曰此逆天事不可
行遂焚其書城破首逮康侯蓋臣急往代康侯不許蓋臣強解其縛隨逮者往尋以救脫歸補

諸生

范長裕撰行實

許君靖字以殷天台人鳴達子性友愛康熙十三年耿逆遣別將犯郡弟君恭爲賊所掠君靖
號慟走數百里詣賊營長跪請代賊義俱釋之君恭字以禮諸生家故饒於財君恭慷慨好義
白母及兄舉所質券無主者焚之有主者召其人無鉅細悉以還不取其值一時咸高其誼

採訪

冊

朱濂字郁卿仙居人父錫聰官海鹽訓導以厚德著

康熙志

嘗出門見一人徬徨覓物詰之曰吾

爲糧長今日齎金納庫至此失之當死杖下錫聰惻然自取銀授之後乘舟被覆人皆溺死惟

錫聰得免

光緒縣志引
目錄外編

濂性至孝康熙十三年寇亂賊繫錫聰刑具畢張濂請以身代備嘗諸

苦械送賊帥又加鞭朴血淋兩股濂曰吾得全老父死無恨帥感其孝釋之同縣張相維號墨莊康熙中貢生嘗代兄繫賊寨凍餒幾斃賊訊知其爲兄也遂釋之

康熙志

尤大虬字升九寧海人康熙十五年海寇登岸劫其父去大虬引兵數十殺寇救父縣令張給扁旌之又有尤大文字其煥事親必盥漱肅容乃見親寢膳處必親自灑掃雖兵燹蒼惶不失常節先是丙午寇亂有馬天駟者亦寧海人賊執其父將刃天駟曰願無害我父寧殺我賊殺其父天駟躍起奪賊刃連斫數賊賊衆至乃殺天駟

光緒縣志

馮尙德字君仲號若人臨海人爲諸生負氣節兄如錫隨叔父甦游滇客死殯蕪湖尙德不遠千里扶櫬歸爲撫其子康熙二十三年龐騰寇海關尙德扶母出遇賊以身蔽之被數刃母得無恙有董高士者尙德幼時師也至老避地望期山尙德躬問候一如受業時復爲之築廬勒

碑

同治縣志稿

孔貞銘字雲龍臨海人侍父過康谷山遇虎貞銘挺身前往虎卽遁去康熙五十二年大水父墮水中貞銘自樓奮身下扶之幾危父病三年貞銘不解衣帶子尙健恩貢生

同治縣志稿

趙光彩字雲端臨海人年十五父病刲臂和藥進及卒擗踊如禮康熙間歲饑有友貧不欲生

光彩遺之金與粟鄉鄰貧乏者罔不振恤卜築於施家岡署其堂曰正明與子姪講孝弟事至

老不倦

同治縣志稿

盧啓阜字孟迎號岡侯臨海人諸生性孝友康熙間遭閩寇路無行人啓阜父適病蚤夜購藥從亂軍中過備極艱苦病尋愈與昆弟怡怡終日乾隆十年啓阜年九十餘郡徵爲鄉飲賓

同治

縣志稿

彭之蟠號牧齋仙居人諸生事親孝飲食衣服必承歡心親歿殯葬事俱不問諸昆季邑人稱

爲純孝

康熙志

王初號介爾黃巖人鈴曾孫性醇厚孝讓補郡學生值歲試聞生母疾匍匐奔歸奉湯藥不解帶者月餘父歿分產悉唯兄命至老友敬愈竺雖遷居晨夕必往候焉友人應天禎早世託以妻子終身不負應妻陳得以終志同縣王鼎宏少孤事寡母極孝訓弟鼎霖入邑庠當道賢之旌其閭曰張仲遺風

乾隆縣志

池逢字爾得號靜夫黃巖人世肖孫性孝友遇親疾親嘗湯藥衣不解帶歿則哀毀骨立廬墓三年廣設祀產每祭必泣雖老無間

乾隆縣志

督學張良希以孝義旌之

康熙志

趙正期字際家黃巖人珂裔孫縣諸生父歿撫弟成立推腴產予之自居其瘠者食貧恬然明末兵亂負母隱山谷間樵採易食人呼爲孝順秀才卒年七十又有趙天植號六潭亦珂裔孫少孤育於叔父逢券逢券五十無子欲以天植嗣力辭之曰叔未老尙有子後逢券果生天吉而天植終身事叔猶父云

乾隆縣志

林映奎字東聚黃巖人縣諸生性至孝尤好施予母邁危疾醫莫能療映奎割股肉以進母病漸蘇鄉人葉某失金欲赴水映奎見之贈金使歸同縣諸生馬天浴字子才上襄子年十三割股療母疾制府劉兆麟撫軍范承模學道劉元琬旌之曰孝根天性

乾隆縣志

阮貞吉號介石黃巖人附貢生性醇厚善承親志與昆弟友愛雅志好修營建郎山書院延師集友一時文士咸樂就焉乙卯寇變民苦徭役白於當事鄉城無擾縣令張思齊徵修縣志子明升亦附貢生攷授州同知

乾隆縣志

徐漢字雲倬黃巖人諸生敦躬行事後母極恭順從兄爲里役所累逋負纍纍漢爲代償多金尤好成人美子弟有造者多方扶植之

乾隆縣志

王士蛟字文雲黃巖人與弟士虬字文騰士蟾字文桂並以孝友聞事親先意承志親歿喪祭

以禮忌日麻巾白褶哀泣如初喪遵父命共爨不析周貧乏恤孤寡全夫婦掩骸骨爲人排難
解紛數十年中鄉人無隻字入公庭歿之日聞者感泣縣令李廷璧李淑瑞均旌之

乾隆縣志

章之芳字伯新寧海人

康熙志

昆季五人伯兄卒其子棻葵俱幼之芳保其室家於毀攘之餘數

年間仲季相繼亡各遺一妻年皆五旬皆一女三男貧莫能聊生之芳時以館穀給之順治十

三年歲饑修合食焉長幼妯娌秩然無違

光緒縣志

康熙間以歲貢爲雲和訓導

康熙志

葉世梧寧海人父天球太學生性嚴厲世梧先意承志孝養無缺比歿寢苦枕塊視膳如生其
弟力學成療世梧邀其密友與同游處疾大漸婦孕生女世梧給以男爲作湯餅會以慰之迨
卒以次子亦芳後之

光緒縣志

儲天仁寧海人父醇病醫治不瘳天仁割股以進病尋差卒後弟天培以父墓距家遠哀其岑

寂每夜獨往墓旁宿如是者三年族昆弟天爵父平叟病不能治天爵親爲營糞又有天明者

其父首溪病醫者言必日宰一雞和藥食之可療天明遂購雞數百食盡復購數載如故後復

割股療之

光緒縣志

其同縣割股療親者又有柴登榜袁時魁俞士璜俞師褒

康熙縣志

鄔爵賢盧蔚

文陳清秀陳清浩俱前後經憲旌

光緒縣志

又有王錫極

康熙縣志

華紹茂以孝親樂善聞祁尙德胡

良知以友愛聞亦前後被憲旌

光緒縣志稿

徐光胤字長卿天台人九歲侍祖列官潮州能隱括韓昌黎廟碑爲五言詩十五補諸生試卽冠軍以歲貢終隱歡畧著有山齋筆乘墨餘狂言醉蝶齋囈語等書陳函輝爲之序盛稱之

康熙

縣志

齊化龍初名瑞麟字汝昭號幽溪天台人諸生父之仲早卒事節母許孝謹獨至母疾篤哭禱於城隍神請以身代遂弗藥愈年既老依依孺慕終日侍側無惰容母不命之坐不坐也母卒廬墓數月化龍自奉約而好施不倦葬親屬無後者數十從兄攀麟貧歲給金穀丁酉邑饑且疫化龍設粥以振又施棺百具居家威儀有常作字必用楷書訓子孫以七語曰立品必端正持家必勤儉作事必大方出語必謹慎接人必謙和做官必忠良訓後必樸實易簣前二日顧諸子孫指其心曰所以貽汝曹者獨此耳子二人肅祖尙肅子周南召南圖南世南自有傳幼子道南字文風號蕙圃諸生孝友天至兄家被疫人咸避之道南獨朝夕省視有以保身爲言者道南泣曰兄弟手足也左手疾而束其右手可乎且死生命也將焉逃卒皆無恙喜吟詠兼工書畫著有陌上吟對玉樓詩鈔周南子式唐字宋臣號逸庵諸生初喪母陳毀瘠逾禮旣而

繼母范又喪遂絕意進取家居事父細及廁踰之事無不躬親每具甘旨必旁設數盂視父所鍾愛者令侍側分餉之以娛親心有個人納租於其家式唐久不出間從門隙中見式唐於父前跪進食良久乃起個人泣曰我亦有父既不能養或反詆詈之我乃非人於是更折節奉養後亦以孝聞父年九十餘歿式唐廬於墓側朝夕哭泣或言禮六十不毀式唐曰父母之喪人子當自盡豈以年之盛衰爲隆殺耶嘉慶中以孝旌式唐曾孫字甫林亦有至性母病刲股又有齊張南字元風號蘭圃化龍從孫也爲諸生性樸質中年喪偶義不再續與弟分產弟欲拈圖張南曰產微任弟取之願取其次家遭火張南足病瘋力疾衝煙負祖父栗主以出他物悉燼焉

採訪冊

許二佛天台人家素封至父宗梧中落貧窘無以爲生二佛負薪爲生每食必具甘旨供父人戲謂曰爾父使財如糞土致爾日用不給爾何必是二佛曰罔極之恩豈以財產之厚薄爲加損耶我父素非酒肉不下咽安敢衰其養由是戮力經營以豐父食而家亦日康人稱孝子

冊

採訪冊

金玉輝字元精號完彩天台人性至孝居父喪有異行值歲荒玉輝煮粥振之就食者日千餘

人路拾遺金榜通衢還之其人跪謝去子鼎鼎字君調歲貢生父病篤割股以療篤於友愛分析財產薄以與己而厚以貽諸弟知府孫奏縣令黃執中皆禮遇之稱爲積行君子從弟鼎協亦割股以療祖母病

冊探訪

許善繼字叔緒號孝先天台人父早卒母楊年少守節經喪亂四壁蕭然善繼忍凍餓爲父營窀穸以母食雞肉及醋病噎卽終身不復食雞戒家人毋釀醋歲饑有竊善繼米者視之則良家子也遂聽逸去不一指其名仲弟與石氏訟累歲不休後和議立盟其人曰盟可無庸但須孝先一言爲信其見孚於人若是

冊探訪

夏安邦字廷望號殿臣天台人幼失恃繼母張撫之成立張嗜酒安邦每食爲設醴泊昏侍寢必操壺以奉之伺飲畢乃回稍有疾痛卽移榻臥所以調護之者甚至藥餌飲食必躬自調不以假他人

冊探訪

孫織字良珍號屺瞻天台人諸生性篤孝父病割股和藥以進病遂愈母病復如之後父母歿居喪一遵古禮卻酒肉勿御者三年子肇珣字叔韶父疾亦割股閭里謂其有父風時天台先後割股者潘厚齋逸其名縣令王潤民表其閭曰天性孩心陳鍾盛字允茂縣令趙廷錫表其

閩曰孝可維風張汝爵字存欽陳宏孺字允雅縣令李繼謨柯燦郎振垓皆旌其廬陳玉書年九歲割股以愈母疾玉書祖程九族昆弟安世皆以割股聞人謂陳氏多孝子又陳之夔字叔起諸生年十六母疾割左股父疾又割右股與諸弟友愛尤篤之夔族孫文衡字亦銓嫡母姜病割股以治生母趙病亦如之文衡習岐黃術著勸孝文醉吟稿雙澗釣者傳王萬傳字廷習子家惠孫夢祥先後皆割股愈親疾葉鴻儒字董醇父病割股不效呼天號泣廬殯所三年弟姪染疫無敢前者鴻儒以一身翼之卒無恙從子山首字金彩亦割股療親喜臨摹名帖年三十喪妻有子遂不再娶又潘氏多割股者元玉字從位利垣字叔美宏毅字士可貞泰字高夫並有至性元玉施粟焚券人目爲長者貞泰未學書脫口成吟肇基字世統父卒苦塊三年齊式紱字宸黼諸生陳諶字荊信監生陳元燦字行彥夏祇寅字本立皆嘗割股云

採訪冊

章居多太平人農家子其父以負租被繫居多赴縣庭請代令聞其孝釋之家貧甚與妻常食糠粃而以米供其親遇隆冬以己衣衣父而身以單衣度歲父病思菱時方三月居多入水覓菱種供父父病篤割股以療越三歲卒號慕不已母病夏無帳居多與妻執扇揮蚊竟夜不倦康熙三十年知縣周宜振扁其門曰忘身事親時同縣吳世衍邵良仁陳文哲俱以孝聞前後